



Մամլո հաղորդագրություն

Յուլի 17, 2022

ՔՈԱՖ-ի շրջանավարտների համար կմեկնարկի երկրորդ ամենամյա սթարթափ ծրագիրը

ԵՐԵՎԱՆ – Արդեն երկրորդ տարին անընդմեջ «Հայաստանի մանուկներ» բարեգործական հիմնադրամը (ՔՈԱՖ) շրջանավարտների համար նախաձեռնել է սթարթափ ինկուբացիոն ծրագիր, որն այս տարի կիրականացվի հայ-ֆրանսիական բիզնես աքսելերատոր StartDoon-ի հետ համագործակցությամբ: Ծրագիրը կյանքի է կոչվել «ԵյՋ-Էս-Բի-Սի Բանկ Հայաստան» ՓԲԸ-ի (HSBC Հայաստան), ինչպես նաև Zark նվիրատվությունների և Healthbird բժշկական ապահովագրության հավելվածների հովանավորությամբ:

Նախաձեռնությունը նպատակ ունի օգնել Հայաստանի գյուղաբնակ երիտասարդներին կյանքի կոչելու իրենց նորարարական ստարտափ գաղափարները կրթական տեխնոլոգիաների (EdTech), ֆինանսական տեխնոլոգիաների (FinTech), զբոսաշրջության, ագրարային տեխնոլոգիաների (Agritech) և կանաչ լուծումների (Green Solutions) ոլորտներում:

Յուլի 14-ին ՔՈԱՖ-ի երևանյան գրասենյակում տեղի ունեցավ ծրագրի հանդիսավոր մեկնարկը, որտեղ ներկա էին վերջինիս շահառուները և գործընկերները: Միջոցառման ընթացքում ներկայացվեց այս տարվա ծրագիրը, որը բաղկացած կլինի 3 փուլերից:

Առաջին՝ նախահնկուբացիոն փուլով նախատեսվում է կազմակերպել 4-ամսյա դասընթացներ ավագ դպրոցի մոտ 150 աշակերտների համար ձեռնարկատիրական նախագծերին նախապատրաստվելու, ինչպես նաև հետագա սթարթափ ինկուբացիոն փուլում նրանց մասնակցությունը դյուրացնելու նպատակով: Երկրորդ փուլում կընդգրկվեն ՔՈԱՖ-ի 30 շրջանավարտ տարբեր մարզերից, որոնք կմասնակցեն ութշաբաթյա ինտենսիվ վերապատրաստման ծրագրին՝ հնարավորություն ստանալով վավերացնել տարբեր բիզնես գաղափարներ: Փուլը կավարտվի «փիչինգ» միջոցառմամբ, որի ընթացքում շրջանավարտներին կտրամադրվի 5-ական թույլ՝ իրենց գաղափարները սթարթափ փորձագետներից և ՔՈԱՖ-ի անձնակազմից կազմված ժյուրիին ներկայացնելու համար:

Մրցույթի արդյունքում կընտրվեն երեք հաղթող սթարթափներ, որոնց միջև կբաշխվի տասնհինգ հազար դոլարի ֆինանսավորումը, ինչը կուղղվի նրանց բիզնես նախաձեռնությունները սկսելուն: Ինկուբացիոն ծրագրի հաղթողներն իրենց տեղը կապահովեն նաև վերջին՝ նախաաքսելերացիոն փուլում: Փուլը նախատեսված է շուկա

դուրս գալու և արքեպիսկոպոստոսներին, ներդրումներին և եկամուտներին պատրաստվելու համար:

«Նախորդ տարվա պիլոտային ծրագրի արձանագրած հաջողությունը հերթական անգամ բացահայտեց Հայաստանի գյուղաբնակ երիտասարդների տաղանդն ու ներուժը: ՔՈԱՖ-ի ճրջանավարտների սթարթափ ինկուբացիոն ծրագրի շնորհիվ երեք սթարթափ արդեն իսկ գտնվում են իրենց բնակավայրերում սեփական բիզնես սկսելու վաղ փուլում: ՔՈԱՖ-ը շարունակում է սերմանել և խթանել քաղաքացիական պատասխանատվության մշակույթը՝ խրախուսելով երիտասարդ շահառուներին իրենց համայնքներում ստանձնելու նորարարության և առաջընթացի շարժիչ ուժի դերը»,- մեկնաբանեց ՔՈԱՖ-ի գործադիր տնօրեն Կորյուն Խաչատուրյանը:

Ծրագրի ողջ ընթացքում և դրանից հետո դիմորդներին կտրամադրվի ոլորտին առնչվող մասնագիտական խորհրդատվություն, ինչպես նաև շուկայի ռեսուրսների հասանելիություն, կապեր ստեղծելու հնարավորություններ և բիզնեսին վերաբերող համապարփակ դասընթացներ:

«Մարզերի կայուն զարգացման համար նպաստավոր պայմանների ստեղծումը մեր բանկի ռազմավարական ուղղություններից մեկն է: Բարեկեցիկ կյանք ունենալու կարևոր նախապայմաններից է տեղում բնակվող երիտասարդների նախաձեռնողականությունը: Դա է պատճառը, որ մենք թե՛ ֆինանսապես և թե՛ մեր անմիջական մասնակցությամբ օժանդակում ենք այնպիսի ծրագրերին, որոնք հարթակ են ստեղծում մարզերում բնակվող երիտասարդների գիտելիքների ձեռքբերման և բիզնես գաղափարների իրագործման համար»,- նշեց HSBC Հայաստանի գլխավոր գործադիր տնօրեն Իրինա Սեյլանյանը:

«Հայաստանի մանուկներ» բարեգործական հիմնադրամի մասին

«Հայաստանի մանուկներ» բարեգործական հիմնադրամը (ՔՈԱՖ) բարեգործական կազմակերպություն է, որի նպատակն է բարձրացնել Հայաստանի գյուղաբնակների կյանքի որակը համայնքային զարգացման երեխայակենտրոն ծրագրերի միջոցով: Հիմնադրամի համակողմանի ծրագրային մոդելի իրագործումը սկսվել է 2004թ., և այդ ժամանակից ի վեր իրականացվում են կրթական, առողջապահական, սոցիալական և տնտեսական ծրագրեր, ինչպես նաև հիմնանորոգվում են համայնքների համար կենսական նշանակություն ունեցող ենթակառուցվածքները: Այս ծրագրերի շահառուներն են Հայաստանի Արմավիրի, Արագածոտնի, Լոռու, Գեղարքունիքի, Շիրակի և Տավուշի մարզերի 66 համայնքների ավելի քան 107,000 բնակիչները:

2015թ. սկսած՝ ՔՈԱՖ-ը մշակել և իրագործում է ՍՄԱԲ նախաձեռնություն: ՍՄԱԲ-ը կրթության միջոցով առաջխաղացում է ապահովում գյուղական աշխարհի համար, ինչի արդյունքում շահում են անհատները, հասարակությունը և միջավայրը:

ՔՈԱՖ ՍՄԱԲ առաջին կենտրոնը տեղակայված է Լոռու մարզի Դեբետ գյուղում. բացումը կայացել է 2018 թ. մայիսի 27-ին:

HSBC Խումբ

HSBC Holdings plc-ն՝ HSBC խմբի ընկերության գլխամասը, գտնվում է Լոնդոնում: Խումբը ծառայություններ է տրամադրում 63 երկրներում և տարածաշրջաններում՝ Եվրոպայում, Ասիայում, Հյուսիսային և Լատինական Ամերիկայում, ինչպես նաև Մերձավոր Արևելքում և Հյուսիսային Աֆրիկայում: HSBC-ն հանդիսանում է աշխարհի ամենախոշոր ֆինանսական կառույցներից մեկը, որի ակտիվները 2022թ. հունիսի 30-ի դրությամբ կազմել են 2,985 միլիարդ ԱՄՆ դոլար:

HSBC Հայաստան

«Էյչ-Էս-Բի-Սի Բանկ Հայաստան» ՓԲԸ-ն հիմնադրվել է 1996թ.-ին: Բանկը Էյչ-Էս-Բի-Սի Խմբին ամբողջությամբ պատկանող դուստր ընկերություն է: Էյչ-Էս-Բի-Սի Հայաստանը սպասարկում է շուրջ 30 000 հաճախորդի Երևան քաղաքում գտնվող իր 6 գրասենյակի և մոտ 310 աշխատակցի միջոցով: 2021 թ.-ի դեկտեմբերի 31-ի դրությամբ բանկի ակտիվները կազմել են 261 միլիարդ ՀՀ դրամ՝ ներառյալ Էյչ-Էս-Բի-Սի Բանկ ՓԲԸ-Սի Լոնդոնի կողմից Բանկի միջնորդությամբ տրամադրված վարկերը: Բանկը վերահսկվում է ՀՀ կենտրոնական բանկի կողմից: